



المصدر: الأهرام

التاريخ: ١٥/٨/١٩٧٩

مركز الأهرام للتنظيم وتكنولوجيا المعلومات

**رؤساء النقابات المهنية والاتحادات العمالية مستشارون لرئيس الجمهورية**  
الرئيس يجتمع دوريا مع مجلس النقباء للمشاركة في الرأي في القرارات الهامة  
**اعادة نظر شاملة في نظام التعليم**  
**دون قيد على الفكر باسم المكاسب الاشتراكية**  
**سيظل التعليم مجانيا ولكن الدولة لا تضمن**  
**تعيين ٦٠ ألفا كل عام في وظائف غير منتجة**

شيوخ البترول يتصورون أن المال يشتري كل شيء  
ولكننا سوف نبني مصر بعرق وكفاح أبنائها

الاسكندرية : من سامي رياض وعبد الواحد عبد القادر :  
في لقائه بممثلي نقابات الأطباء البشريين والصيالة وأطباء الاسنان  
والبيطريين والتمريض أعلن الرئيس أنور السادات بأنه سيصدر قرارا جمهوريا  
بتعيين جميع رؤساء النقابات المهنية والعمالية بعد انتخابهم مباشرة مستشارين  
لرئيس الجمهورية كل في اختصاصه . .  
وقال الرئيس : انه سوف يجتمع بمجلس النقباء بصفة دورية ليكون اعضاؤه على  
علم بكل القرارات التي تتخذ .



## مركز الأهرام للتنظيم وتكنولوجيا المعلومات

وقال الرئيس انه سوف تكون من بين مهام مجلس النقباء عرض الدراسات التي تعالج المشاكل التي تواجه القطاعات العريضة من الشعب واقتراح الحلول لها طبقا لتخطيط سليم وان الدولة وحدها أو مجلس الوزراء أو المحافظين وحدهم لا يستطيعون وضع الحلول ولكن بالتحرك الجماعي سوف تحدث المعجزة في أقل من ١٠ سنوات ونجد الحلول لجميع مشاكلنا .

وفي ذات الاجتماع الذي حضره السيد حسنى مبارك نائب رئيس الجمهورية والسيد فكرى مكرم عبيد نائب رئيس الوزراء وأمين الحزب الوطنى والسيد منصور حسن وزير الدولة لشئون الرئاسة . . قال الرئيس: اننا قد تخلصنا نهائيا من الازهاب الفكرى الذى كان يضع قيادا على تفكيرنا اذا ما حاولنا تغيير أوضاع ثبت فسادها أو عقمها بحجة سلب المكاسب الاشتراكية من القاعدة العريضة للشعب .

وأكد الرئيس السادات بأن نسبة الـ ٥٠ ٪ للمبال والفلاحين باتية لن تفس لان هذه القاعدة العريضة التي تمثل الاغلبية قد هانت من الحرمان فى الماضى وان مجانية التعليم لابد أن تبقى دون أن تفس . . كذلك أكد الرئيس إصراره على تونير الشبان الاجتماعى والتأمين الصحى لجميع أفراد الشعب . . ثم استطرد الرئيس قائلا ولكن علينا أن نعيد النظر فى نظام التعليم ونعمل على تغييره بالكامل ، فلم يعد من المنطقى قبول هذا الطوفان من الشباب كل عام فى الجامعات والذي بلغ هذا العام ٨٠ الف طالب ولم يعد متبولا أن تلتزم الدولة بالبحث لهم عن عمل بعد التخرج بعد ٤ سنوات لانهم بذلك يظلون بطانة متعته ويحولون الدولة عبئا كبيرا . . . .

وتساءل الرئيس هل يمكن ان نعتبر هذا النظام التعليمى المعتمد أحد المكاسب الاشتراكية . . . . وأجاب الرئيس قائلا انه فى رأى يؤدى الى الخراب . وقال الرئيس اننا كنا نخشى فى الماضى إعادة النظر فى نظام التعليم خوفا من الازهاب الفكرى ولكن لا عذر لنا الآن ونحن على طريق إعادة بناء مصر . . . . واستطرد الرئيس قائلا ومن أجل ذلك دموتكم لى نعيد النظر كاملا وبلا قيد ولا شرط فى جميع المشاكل ونضع الحلول لها بكل الصراحة والوضوح والحسم . . .



## مركز الأهرام للتنظيم وتكنولوجيا المعلومات

وقال الرئيس ان بناء المدن والمجتمعات الجديدة أصبح ضرورة للخروج من الوادى الضيق لتوفير الامن الغذائى وحل مشكلة الاسكان وتحقيق الرخاء. ثم تحدث الرئيس عن مشاكل العالم العربى فقال :. أننا أمام تحدى عرسى لابد من مواجهته بحزم لان شبوخ البترول يعتقدون ان فى امكانهم شراء اى شىء بنقودهم.. وتجاسروا وحرصوا على تجويع شعب مصر وهم يعلمون

تماما ان مصر الكبيرة لا يمكن ان تجوع

ابدا .. ووصف الرئيس تحريضهم هذا

بأنه نوع من التجرؤ المزرى .

وطالب الرئيس الاطباء فى ختام

كلمته بالاهتمام بصحة الطفل المصرى

لانه اهل المستقبل .

وكان اللقاء قد بدأ بكلمة من الدكتور

حمدي السيد نقيب الاطباء تناول

فيها المشاكل الملحة التى تواجه مرحلة

اعادة البناء وطالب بحلها بأسلوب غير

تقليدى وطالب بالانراخ فى اقامة المدن

والمجتمعات الجديدة وناقش مشاكل

الصحة ونظافة البيئة وطالب بتعميم

نظام التأمين الصحى .

ثم تحدث الدكتور حمدي الحكيم نقيب

الصيدلة الذى اعرّب عن تأييد الصيدلة

للتمديلات الدستورية وضرورة استمرار

الرئيس فى موقعه لقيادة المسيرة ..

واعقبه الدكتور امين زاهر نقيب

البيطريين .. الذى استعرض قضايا

الامن الغذائى وارتباطها بالثروة

الحيوانية .

ثم تحدث الدكتور محمد سعيد

الجريتلى نقيب اطباء الاسنان عن

اهمية دور الطب الوقائى فى مصر فى

هذه المرحلة التى تحتاج فيها الى توفير

عائد قومى فى كل المجالات .

السياسات في التسامح

بالإطعام والصبر

الديمقراطية ليست فقط مؤسسات الأحزاب والبرلمان ولكنها أيضا احساس كل مواطن بأنه يعيش آمنا في وطنه فيما يلي نص خطاب الرئيس السادات في اجتماعه أمس بممثلي نقابات الاطباء والصيادلة والتمريض .

ومع ذلك لا بد من الثورى وأمر مباشر له أيضا في القرآن .. وشاورهم في الامر .. ليس فقط أمرهم شورى بينهم .. وإنما أمر مباشر وشاورهم في الامر ..

انقضى وقت طويل على مصر ، كانت قطاعات الشعب كلها معزولة تماما من ما يتخذ من قرارات بشأن مصر ولا اكون مبالغ اذا قلت ان هذا الامر استمر اكثر من الفين سنة قبل ثورة ٢٣ يوليو كما سمعتمونى اقول يوم ان قلت مصر تحكم بحاكم اجتبى لالفين سنة قبل ثورة ٢٣ يوليو .. بعد ثورة ٢٣ يوليو دخلنا معارك كثيرة ووقعنا في اخطاء وسلبيات وفي نفس الوقت تمت انجازات رائعة ، ولكن لم نستطع ابدا ان نجلس مثل هذه الجلسة التى يربطنا فيها رباط اساسى ، ليس الحاكم والمحكوم ، ليست السلطة ومن هم تحت السلطة ابدا ، وإنما نجلس فى جزء العائلة الواحدة لكى نتدارس ماذا نريد مصر ، وماذا يكون عليه البناء فى مصر ..

بسم الله .. وكل عام وأنتم بخير واعتذر عن صوتى والبرد لكن لو اخذت بمشورة اخوانا الاطباء كان ما كناش حلتقى الليلة ، ولكن لا بد لانه حقيقة لا اكون مبالغ وأنا اتصفح وجوهكم جميعا لا اكون مبالغ اذا قلت ان ما أحمله من سعادة يحمله وجه كل واحد فيكم وكل اخى معه لاول مرة نجلس كعائلة لكى نتذكر فى امر مصر ، لكى نعبر جميعا كل منا عما يحس من أجل اعادة بناء مصر ، وهذا هو هدفى من هذه اللقاءات التى بدأتها فى هذا الشهر المبارك ، وستستمر باذن الله على مدار السنة مع النقابات ، نقابة ، نقابة ، مع كل الهيئات كما قلت لكم لانه لم يعد هناك حاكم مسئول وحده ، لم يخلق بعد الحاكم الذى يستطيع ان يلم بكل الأطراف ، الا اذا كان يبغى هو ذلك كطريق منفرد للسلطة ، ولكن ما أرادته الله سبحانه وتعالى لنا ، وكما تحدث احد الاخوة .. وأمرهم شورى بينهم . أمره كان هذا الوصف لمحمد ، عليه الصلاة والسلام ، فى قوله وهو نبى ومعصوم ويلهيه الله ، سبحانه وتعالى



مركز الأهرام للتنظيم وتكنولوجيا المعلومات

## اتفاق السلام منهطف تاريخي هام

حاولت كثيرا من يوم ان توليت منذ ٩ سنوات .. ولكن لم تكن هناك فرصة او ملاحظة الاحداث لم تترك لي فرصة فعلا .. وكان في كل مرة أنوى فيها هذا فعلا في رمضان باعتبار ان رمضان

هو شهر اللقاء بيننا جميعا .. شهر العائلة .. شهر الرحمة كما أراد الله .. سبحانه وتعالى .. وشهر العبادة ولا أظن ان هناك عائلة بالنسبة لنا أقدس من مصر عائلتنا الكبرى والمقدسة .. لم استطع خلال السنوات التسع الماضية الا بعد ان تم بحمد الله اتفاق السلام الذي يعتبر فعلا منهظا أو نقطة مصيرية في حياتنا .. علينا بعد ان حققناها وبعد ان قطعنا أشواط طويلة في الديمقراطية .. أن الاوان لكي نطبق ما أراد الله .. سبحانه وتعالى .. لعمران هذه الارض .. وهي الثموري .. وأن تكون العلاقة بين الحاكم والمحكوم ليست علاقة المصلحة او علاقة الاجراءات او علاقة يقننها القانون .. وانما هناك قانون فوق كل القوانين .. هذا القانون هو مسئوليتنا جميعا عن عائلتنا الكبرى مصر .. من أجل هذا أرجو أن تكون علاقتنا هي هذه العلاقة فوق كل القوانين وفوق كل اللوائح فوق كل المظاهر .. علاقتنا يجب أن تكون علاقة المسائلة الواحدة نجتمع لكي نناقش أمر عائلتنا ... وكيف .

نستطيع ان نرتفع بالبناء من أجل مصر .. وفي الوقت نفسه هو من أجلنا جميعا ومن أجل أبنائنا ومن أجل أجيالنا المقبلة .. أمور كثيرة عاقت هذا الامر في الماضي ولا تزال تعوق هذا الامر .. كما تحدث الاخ النقيب الحكيم .. في بلاد عربية في كل البلاد العربية من حولنا لا تزال هناك دولة السلطة ودولة الاجراءات ، واصطناع الهيئة للحاكم على حساب المحكومين ووساية الحاكم على المحكومين ، على رغم أن شعوبهم في حاجة الى وصايتهم وعبقريتهم .. كانت مصر بحمد الله رائدة .. وستظل رائدة ليس فقط في المنطقة العربية أو في الشرق الاوسط .. وانما في العالم كله .. بفعل ذلك التاريخ الجيد تاريخ سبعة آلاف سنة والتاريخ الذي يقول أن أول دولة وأول حكومة من ٧ آلاف سنة كانت هنا على ضفاف النيل .. وأول حضارة أخذها العالم أخذها من مصر منذ سبعة آلاف سنة .. ولكن لا يجب أن ينسينا هذا أو يفقل أعيننا من حقيقة هي اننا مطالبون اليوم ... اذا كان وفاؤنا كاملا لمصر مطالبون ان نعيد ما كان لها بكل الجهد والعرق والعمل .. حتى لا نجلس نيباهي بالماضي وفي الحاضر نجد انفسنا متخلفين عما يجري من حولنا في هذا العالم .. تكلم الاخوة النقباء .. وأنا سعيد جدا ولا بد ان تتكرر هذه اللقاءات كما قلت على مدار السنة كاملا .. للتعرض لكل مشكلة من مشاكلنا سواء كانت في اختصاص أهل الخبرة منكم كمشكلة



## مركز الأهرام للتنظيم وتكنولوجيا المعلومات

حريته وفي أمانه .. وكما تحدث الاخ الحكيم فان في هذا وحده اكبر ضمان لقيام البناء الذي نحن بصدده على أسس سليمة .. المشاكل أماننا كثيرة .. لعله حمدي لما خذ الكلمة وتحدث لم يفرك شاردة ولا واردة .. تحدث عن المهمة الاولى بوصفكم أهلها وهي مهمة الطب والعلاج والضمان .. ضمان صحة المواطنين .. وبلا شك الحكمة القديمة التي احنا اتعلمناها .. انه الجسم السليم او العقل السليم في الجسم السليم .. هذه حقيقة .

انا اكتشفت حاجة اخرى حقيقة .. كما تعلمون أنا أت من قرية .. وفي القرية شغلني من ضمن ما شغلني ان هناك البعض من الاولاد التي بينشأوا في القرية وبيجوا الى التعليم في المدينة بعد ذلك ويكونوا من عائلات متواضعة وحدث نسبة كبيرة منهم ضعاف في التحصيل أكثر من هذا لما تعرضت قبل المعركة لضرورة بناء سلاح طيران قوى لانه ده أساس من أساس الحسب الحديثة وكان بيأتى الاولاد ابنائنا بعد التوجيهية ويتقدموا للكشف الطبي وأنا طلبت من حسنى كان أيامها قائد سلاح الطيران انه وكما تحدث حمدي بحق انه ثروتنا الاولى هي الانسان ، وفي هذا نحن لنا التفوق في هذه المنطقة على الكل ..

### سوء التغذية يؤثر

### على بنيان اطفالنا

طلبت ان يكون سلاح الطيران عندنا وهو من الاسلحة الحاسمة في المعارك الحديثة سلاح كبير لانه لا ينقصنا الانسان

نوعية لها اختصاص معين في تخصصاتكم او لكل مشكلة تتعرض مصر من أي نوع لانه ليستم مسئولين فقط كأطباء عن الصحة او كمرضىين او سيادة .. ولكنكم مسئولون في المقام الاول عن مصر مستقبل مصر ، مستقبل الاجيال المقبلة ، بهذه اللقائات نرسى قاعدة صلبة ، كما سمعتموني أقول هذه القاعدة الصلبة هي ان القرار لا بد ان يكون قرار كل من يعيش على أرض مصر بعد الدراسة المتأنية بعد تبادل الرأي باخلاص لكي نستطيع فعلا ان نقيم البناء الديمقراطي .. البناء الديمقراطي ليس كما يتصوره البعض .. بنساء فوقى بمعنى ان تكون هناك احزاب وبرلمان ومجلسين وسلطة تشريعية وسلطة تنفيذية وسلطة قضائية كما تعارف عليه العالم .. وانما قبل كل هذا الديمقراطية الحقيقية ان يشعر كل مواطن ومواطنة يعيش على أرض مصر ان له صوتا في قرار مصر في مستقبل مصر ، لان هذا كما قلت يتعرض بالدرجة الاولى للعائلة التي نحن جميعا مسئولون عنها وهي مصر وفي الدرجة الثانية لاجيالنا المقبلة .

عانت مصر معاناة طويلة سواء في الماضي البعيد أو الماضي القريب الى ان استطعنا بحمد الله ان نصل الى هذه المرحلة التي نعيش فيها من أمن وأمان .. وكان لا بد ان يتوفر هذا قبل كل شيء .. لا بد من الامن والامان وسيادة القانون .. لكي يعرف كل مواطن ماله وما عليه .. ولكي لا يحاول أحد باسم السلطة أو بأى اسم أو شعار آخر ان يسلب أى مواطن أو مواطنة حقه في كرامته وفي أمنه وفي



## مركز الأهرام للتنظيم وتكنولوجيا المعلومات

.. التغذية .. ده ملاحظتي يمكن أكون غلطان يمكن يكون لها تفسير آخر لكن وأنا أخيرا في أمريكا لقيتهم معنيين بأنه .. الأطفال .. لهم طعام مخصوص يعطى غذاء لكل ما تحتاجه تكوينات الجسم البشرى الى الحاجة .. وحقيقة دى شفتها بنفسى أنه حفيد كارتر من نفس عمر حفيدى .. ولكن سابق بسنة مئى معقول وهما ثلاث سنين يسبق بسنة ..

للأطفال طعام بيوضع فيه كل مايفدى أجهزة الانسان ومن ضمنها طبعا العقل والجسم كله .. وعلشان كده وده بقه ايه متيسر لكل أمريكى وأمريكية ماهوش عند كارتر لا .. لا .. لا .. ده بتروح الإجزخانة تشتري غذاء الأطفال من سن كذا لسن كذا .. بلاشك الناس المتواضعين أو الفقراء عندنا الولد بينشأ مايباخذش كل التغذية المطلوبة لجمع ما يحتاجه عقله وجسمه فملكاته تبقى أقل بشن لأنه مخلوق أقل لا .. لأنه فيه فرق فى التغذية وشفتها أنا بقول لكم على حفيدى نمو فى ثلاث سنين يسبق بسنة والاكل على فكرة لما سألت فى أمريكا فى الإجزخانة بسعر مناسب لكل انسان ولكل دخل ..

أن الاوان النهاردة علشان نقعد نتكلم فى هذا قبل كده كنا بنقعد كان العمل السياسى شعارات خط .. الاحزاب كان البشوات والاستفتاءات والاقارب والمحاسيب وكان ده العمل السياسى .. العمل السياسى حتى بعد ثورة ٢٢ يوليو دخلت فيه الميسادىء اللى بتقول انه لايد انه الشعب ياخذ السلطة فى ايديه وبتنادى بأنه يتحول

وهو الشىء الاساسى لازال هو الشىء الاساسى ، لان الطائرات مهما كانت درجة التقدم والتكنولوجيا اللى فيها والالكترونيات وغيره بدون الانسان لا تساوى شىء ..

فى الكشف الطبى زعرت ، لان أنا كنت أريـسـد .. طلبت من هسنى أن يكون عندى الف طيار على الأقل ، والنسبة تستمر باستمرار والف طيار واحنا اربعين مليون ده أمر عادى بسيط جدا جدا ، فحمت فعلا لانه من الفين يخشوا الكشف الطبى يمكن ما يطلعش غير مائة من الفين .. وكمان بعد المائة ماخشوا فى عمليات التدريب يصفوا على برضه خمسين ستين .. حقيقة كان أمر بالنسبة لى خطير لانه ولا يمكن ده اللى كان وراء أن احنا وعملنا المدارس الثانوية العسكرية .. الشبَاب قدامى انسا كنت بانزهل لان الاولاد فى شكل بيان انه لائق ، لكن بالكشف ثم بعد ذلك حتى بالتدريب بيخرجوا وبالفين يرسوا على خمسين دى مضافا الى ما قلته لكم أنه ضعف التلقى عند الاولاد اللى من عائلات من عائلات نسبيا فقيرة .. أخيرا وضع أنه سوء التغذية له دخل كبير جدا لانه أنا كنت باندعش يعنى أولاد الاعيان عندهم تلقى أحسن من أولاد الفقراء .. طيب ليه .. الله طب ما أحنا كلنا طالعين من القرية وكلنا واحد .. وكلنا يمكن أنتم عارفين كل قرية تبقى عليه واحدة لانها مندوزين من بعض اعيان وغير اعيان كلنا عليه واحدة .. طب ليه ابن اللى حالته كويسة والاعيان بيتلقى والثانى درجة التلقى فيه قليلة



## مركز الأهرام للتنظيم وتكنولوجيا المعلومات

ويشتم حتى يشتم تشعبه رسمى فى خطاب رسمى يشتمه ، الله ، طب ياخى يعنى مكونات العملية مش موجود بيشتتم لانه حاظط مئات الطيارات ولاقيش طيار ليهم .. صورة من اللي احنا بنواجهه .. زى ما قلت حمدي طوف بكل شىء فعلا كل اللي قاله مائه فى المائة .

بنشكوا منه سواء بالنسبة للوضع الداخلى والمشاكل اللي بتواجهنا فيه او بالنسبة لمشاكل المستقبل كلها او المشاكل الملحة اللي لا تحتمل ان توصل أبدا .. وعلى رأسها مش بس الامن الغذائى لا احنا عايزين الامن الغذائى وتأمين الاجيال المقبلة لمصر لكى تكون سليمة فلا تغلب مصر على امرها فى يوم من الايام لانها لاتستطيع ان تدافع عن نفسها بانها بقت اد كده المشكلة .. وماحدث واخذ باله .. ماحدث واخذ باله من هذا .. طب ما هو ده الشغل الشاغل فى كل الديمقراطيات والعمل السياسى برضه الشغل الشاغل لاي حزب فى اى دولة ديمقراطية كيف بينوا رخاء المواطن وكيف يطلعوا اجيال سليمة فى الجسم وفى العقل وبالتالي هيبقى العلم وبترتفع الدول بترتفع باستمرار بدلا من تبقى ان بتنزول او فى نزول باستمرار .

مشاكل كلها بتاخذ بخناق بعضها زى ما قال حمدي تماما . اذا كان الرعاية الصحية او الضمان الاجتماعى أساسى ولايد منه فنظام التعليم ايضا لايد من تغييره بالكامل ، المشكلة اللي قالها حمدي سليمة وانا قلت قبل كده .. والتهافت الرهيب اللي على الجامعات ليه .. حرموا فلم يكن متاح لهذه

الشعب الى خليه تاتمر بأمر القيادة السياسية اللي هي فوق زى النظم اللي أنتوا عارفنها الماركسية اللي بتبقى اللجنة المركزية ثم المكتب السياسى وبعد ذلك على الشعب انه يامر فيطيع وبس .. نعيش غير هذا ويتقتل فيه ملكات الافراد زى ما أنتوا عارفين قبل الثورة كان الوضع ، البشوات اللي كانوا فارضين نفسهم على هذا البلد وبعد الثورة جت مراكز القوى بالعلم واهملت حاجات أساسية طعام الطفل .. طعام المواطن المصرى اللي حنطلب منه مسئوليات انه يبقى طيار ويطير طيران نفاث، طيران النفاث لعلمكم عشان بقى أسرع من الصوت بيفقد الطيار فوق من وزنه وعلشان كده فى جميع اسلحة الطيران فى العالم بينزلوا الطيارين الاكل والدكتور جاهزين له ما بيدوش فلوس عشان ياكل لا .. لانه جايز يشرب سجائر والا يشرب شاي والا يكسل أبدا ، لالا بينزل على الاكل والدكتور .. ماد كده بقت العملية صعب ...

طب اذا كنتى عنده أساسى لهذا ما يبقى يعمل ايه عشان كده طلع بيطلع عندى من الالفين خمسين .. هناك لا بيطلع من الالفين يطلع الف انما عندى بيطلع من الالفين خمسين .. انا بآدى ده مثل ..

مش دى مشكلة تساوى انه الدولة كلها تقف عشان مستقبل مصر ومستقبل مصر .. مش هي الاجيال دى اللي احنا بنطلعها نطلع اجيال عاجزة متخلفة .. سمعتوا القذافى .. أنتوا أخيرا حاشد فى مطاراته مئات الطيارات .. ما عندوش طيار واحد وكان بيملن ويقول



## مركز الأهرام للتنظيم وتكنولوجيا المعلومات

هيتحركوا ، العمال هيتحركوا ، مسائل  
كده كانت شخوص أو خيالات مآته ،  
يخوفوا بيها .. وفعلا الناس فى وقت  
من الاوقات صدقت هذا الكلام .

### ٢٠ ألف وظيفة

### كل عام للخريجين

ميزةياه : أن احنا بنعيد البناء من أول  
وجديد بالديمقراطية الكاملة ، واحنا  
قاعدين كده مع بعض بنقول معدشى  
يصلح هذا النظام أبدا .. لانه فعلا  
لما باشغل الخريجين ايه اللي بيجرى  
فى تشغيل الخريجين ٢٠ ألف باضيف  
٢٠ ألف وظيفة عايزين مواصلات فى  
مصر .. عايزين مساكن .. عايزين  
صحة .. عايزين يتجوزوا ويخلقوا ..  
كل ده ولا ينتج واحد منهم حتى اكله .  
ده عاوزنى ادى له كمان اكله .. غير  
معقول .. طبعا غير معقول ، ورثنا  
اوضاع كثيرة ، أن الاوان أن نجلس  
وكل فى اختصاصه أولا ثم ثانيا فى  
الاختصاصى الاكبر وهى مصر نقول  
ونضع الحلول لان بدون هذا لن  
نستطيع أن نبني مصر .

امامنا تحدى ، حمدى اتكلم عن  
العرب ، وحمدى الحكيم برضه اتكلم  
عن العرب ، طيب ايه اللي عاملينه  
العرب : احنا امام تحدى النهاردة :  
للاسف وكان لا يجب أن يكون الجماعة  
اللى دولارات البترول اللى ارتفع ثمنه  
أربع مرات من معركة أكتوبر بناعتنا  
اللى عملوها اولادنا .. زى ما هى  
عادتهم شيوخ البترول بيبتكروا أن كل  
شئ له ثمن بالفلوس .. عملية حقد

القات من ابناء الشعب أن تدخل  
الجامعات علشان المصاريف وعلشان  
مراحل التعليم كلها كانت بالمصاريف  
النهاردة بالمجان ، الجميع بيخشى وللاسف  
اللى بيزعجنى شئ ، اللى بيزعجنى  
ايضا انه بيصاحب دى عملية طبقية ،  
الولد من دول داخل الجامعة علشان  
يطلع للطبقة التالية ، ياخذ وضع طبقى  
جديد وبيبتكروا للقوية وبيبتكروا لفطرة  
التراب اللى طلعتنا دى كلها مهيا كان  
الانسان .. أن كان معاه شهادة جامعية  
أو متوسطة أو معهد فنى .

### لا معنى لتعسين

### الخريجين فى الحكومة

فى غمرة الانظمة الخطا اللى وضعت  
واللى لازالت للاسف نحدد النهاردة ..  
لغاية النهاردة احنا أسراء ان الخريجين  
نعينهم لانه لو ماتعينو شئ .. ايه المكاسب  
الاشتراكية .. الحق .. الردة عن  
الاشتراكية والتقدمية والمودة للرأسمالية  
والامبريالية ، ومليون تعبير بعد ذلك  
ناتى فى اجتماعاتنا هذه واحنا  
بنتكلم بصراحة كده .. مكاشش ممكن  
الكلام ده يتم على فكره من سنين قاتوا  
أبدا .. مكشش ممكن حمدى بقدر يقول  
الكلام ده .. حقيقى .. لو قال كده كان  
هيصبحوا الصبح كان فيه عندنا فى  
الجرائد اللى أنا سميتها الارهاب الفكرى  
.. ايوه .. الدكتور الرأسمالى اللى  
صفته .. اللى .. اللى .. مكاسب  
الشعب .. كلام فارغ .. كان علينا  
أن نعيد النظر كاملا بلا قيد ولا شرط  
كانوا شاغلينا برضه بعمليات ان الطلبة



## مركز الأهرام للتنظيم وتكنولوجيا المعلومات

ومرارة وغل ماليه نفوسهم حت فى عملية واحنا بنحل القضية نفثوا عن هذا وقرروا فعلا تجويع مصر للاسف .  
يعنى كان فيها نوع من التجرؤ المذهل اكرر المذهل .. ازاي يتجرعوا على هذا وهم يعرفوا أن مصر عمرها ما تجوع أبدا .. أبدا ، انها بيهيا لهم خيالهم وكونهم أغنياء حرب وخزائهم عامرة لدرجة انهم عايزين يقللوا انتاجهم لانهم مش عايزين فلوس باه تانى لانهم مش عارفين يعملوا ايه فى اللى عندهم ، متهيا لهم أن ده يشتري العالم ويشترى مصر ، هذا التحدى علينا أن نقابله علينا أن نبني بلدنا بعرقنا وبكفاحنا .  
وزى ما قلت فى مصر مكان لرخاء كل مواطن من الواحد والاربعين مليون انهاردة اللى عايشين بس مطلوب العرق .. والتخطيط الكويس السليم والدخول والعرق وده من الحاجات اللى أنا طالبكم علشانها وانكلمت مع اخوانكم قبل كده وياتكم معاكم وهاتكم مع اخوتكم العمال وكل فئات الشعب الاخرى .

مطلوب الخطة السليمة اللى نستفيد بها من آخر ما أستطاع العالم أن يحققه علشان ننتقل للبناء وليس مطلوب غير شوية عرق وجهد وشد الحزام . هنبني مصر مش من شيكات البترول .. لا .. هنبني أساسس سيعقد الى الابد هانعمل أرض زراعة .. هانبنى صناعة .. ثرواتهم كلها ورق فى البنوك وبيجى الدولار ينزل بياخذ مليارات .. أبدا اللى أحنا هانبنيه بناء ثابت بيزدهر كل يوم .  
علينا أن نقابل هذا التحدى .. وعلينا باه بكل صراحة أن نواجه مشاكلنا

## وما وراثنا والعيوب اللى عندنا . لامناقسة فى مقاعد الفلاحين والعمال

بادى ذى بدء الخمسين فى المائة بتاعة العمال والفلاحين لامناقسة فيها ليه .. الناس دول حرموا طوال الفترة الماضية وسيحرموا طوال الفترة القادمة اذا اتشالت هذه النسبة .  
طيب .. كيف باه نستطيع أن تحل مشاكلنا بأوضاعنا الواضحة الثابتة اللى الدولة فيها بتوفر للقاعدة العريضة الحياة الكريمة والرخاء بعيدا عن الشعارات والتبرجات والاستقلالات ومخاطبة غرائز الناس أو مخاطبة احقاد الناس جاء وقت كانت البلد هنا عملية اثاره أحقاد وفئات ضد فئات كلكم عشوها وعارفينها .. هل العائلة اللى بهذا الشكل تبقى عائلة .. أبدا نتيجتها ايه ، هي الاشتراكية اللى عملناها فى الفترة الماضية على الاسلوب الماركسى .. اللى قلنا فيها .. نوزع ، طيب وزعنا هل اللى ماكنش عنده دخل جاله دخل بعد التوزيع .. أبدا .. احنا وزعنا الفقر .

أنا يوم ما اتخذت قرار تصفية الحراسات فى ديسمبر ٧٠ بعد ما توليت بشهرين أول رد فعل جانى من سواقين التاكسى ، سواقين التاكسى ، باه رأسماليين هيفرحوا لانى بالقى الحراسات لان هترجع لهم أرضهم أو عندهم أرض خايفين عليها أو املاك خايفين عليها فالفاء الحراسات هيربحهم أبدا .



## مركز الأهرام للتنظيم وتكنولوجيا المعلومات

فيه ٨٠ ألف راحوا الجامعة السنة  
دى ، بعد أربع سنين على أن من السـ  
٨٠ ألف حايخرج ٦٠ على أن أتسفل  
٦٠ ألف ٠٠ هل ده من المسكاسب  
الاشتراكية رخره ٠٠ لا ، ده من  
الخراب ، اللي حنا للأسف تعرضنا له  
وقد كده عملية الارهاب الفكرى زمان  
عربت كل انسان ٠٠ فكل واحد قالك  
وأنا مالى ٠٠ أهى ماشيه ٠٠ وخلص  
لا ٠٠ هو ده سبب اجتماعى بسكم  
النهارده علشان نقعد مع بعض ونشوف  
ايه العقبات اللي فى طريق اعادة بناء  
مصر ٠٠ وبمنتهى الصراحة نلها  
وبوضوح وبحسم ٠٠ ليه ٠٠ لانه احنا  
قدام تحدى لازم تاكل من مصر ، أكلنا  
يبقى من هنا ٠٠ قمح مشى حانقدر نكفى  
نفسنا ٠٠ لكن ماخلى القمح لايد أكلنا  
يكفينا ونصدر منه ٠٠ أرض موجودة  
٠٠ ميه موجودة ٠٠ جسو موجود ،  
كفاءات وزراعيين وبيطريين وناس فى  
هذه المهنة موجودين فى كل الفروع  
عندنا كادراتنا متوفرة مفيش الا نقطة  
الهدء اللي ياقولكم عليها ودا اللي

طالبكوا عشانوا ٠٠ عشان تفكروا  
مسايا ولا تجعلوا قيد على عقولكم  
بالنسبة لاي مشكلة بنواجهها ، زى  
ما كانت القيود زمان لاحسن دى مكاسب  
اشتراكية ٠

احنا زى ما قلت ٠٥ ٪ بتاع العمال  
والفلاحين ، التعليم المجانى ، ضمان  
اجتماعى نعم ، ايه دخل ده بقى فى  
اصلاح التعليم ٠٠ اصلاح التعليم اذا  
اصحح التعليم حا يبقى ضد الاشتراكية  
هو كان كده زمان لا ٠٠ احنا فى حاجة  
الى اعادة نظر كاملة ٠٠ وهذا هو

أول رد فعل جانى من سواقين  
التاكسى فى قمة السعادة ٠٠ كانوا  
لغاية هذا التاريخ ولسنين بعد كده  
قبل الانفتاح يلفوا طول النهار فى  
القاهرة ما يعملش خمسين قرش أو  
جنيه ٠٠

بعد ذلك انتم كلكم عارفين سواق  
التاكسى بيطلع عامل فى اليوم ٤ و ٥  
و ٦ و ٧ جنيه وسمعتونى بأقول فى  
مرة حقيقة كان حصل حاجة غريبة  
اقوى وأنا بتمشى على طريق المعادى  
لقيت سواقين التاكسى واخدين عائلاتهم  
فى المساء ، وراكن وقاعد على النيل  
زى اللي جاينين بعربيات ملاكى وراكنين  
وقاعدين ٠٠ اتستفل وكسب وبرضه  
ابتدا برضه يعيش هو اولاده وبأخذهم  
ويطلع ويقعد على طريق المعادى زى  
اللى عندهم عربيات خاصة مايبطلعوا ٠

## لا قيد على العقول

### بأسم الارهاب الفكرى

المسألة كانت توزيع الفقر طيب احنا  
لا نمس كل المكاسب الاشتراكية للقاعدة  
العريضة من العمال والفلاحين ٠٥ ٪  
موجودة ياقين ولا مساس بها ، تعليم  
المجانى موجود ، ضمان اجتماعى اللي  
سمعونى باتكلم عنه وأنا مصر عليه ٠٠  
واللى من داخله اللي قال عليه حمدى  
القضمان الصحى والطبى كل  
هذا لايد نوفره لكن لا يعنى هذا أبدا  
انه فعلا زى ما قال حمدى ٠٠ ان أودى  
كله على الجامعة الله طب وبعدين  
ومش بس ٠٠ أودى كله على الجامعات  
أودى كله على الجامعات ومضمون ٠٠  
اقوله طالع حاتتعين فستنى القسوى  
العاملة ٠٠



## مركز الأهرام للتنظيم وتكنولوجيا المعلومات

الى بيغينى نقطة البدء .. زى ماقلت لكم ، نقطة البدء .. فقط هي الى احنا عايزينها لانه مجتمعات ومدن جديدة لازم ، ولازم نطلع من الوادى ، احنا واحد وأربعين مليون النهاردة مش هاستنى ستين زى ماتصور حمدى ان احنا اذا سبينا وقعنا لغاية ستين ، ونفضل فى نفس الوادى دا احنا هناكل بعض ، أبدا ، دا النهارده قبل بكره لايد نطلع بره الوادى وأرض أحسن من اللى فى الوادى .. مرة .. لازم نقطة الانطلاق ونقطة الانطلاق على كبير .. على طموح لان المشكلة كبيرة لا تنفع فيها العلاجات الصغيرة أبدا ، المجتمعات والمدن الجديدة بتحل مشكلة الاكل .. وبتحل التكديس السكاني بتحل السكن .. حمدى ببسال على المليون متر ، المليون متر موجودين ناخذوهم على طريق مصر اسكندرية على طريق مصر الفيوم على طريق مصر الاسماعيلية على طريق مصر السويس اتفضلوا روحوا استلموهم مليون متر موجودين .. بس برضه عاوز نقطة الانطلاق ليه ، علشان عايز اوصل لكم المياه والطريق بس .. طلبت من نقابة المهندسين يعملوا التخطيط والتقسيم علشان يعملوا لكم مدن متعلمش المسائل زى الاحياء اللى انتم عارفينها فى بعض احياء القاهرة القديمة كل واحد عامل له اوضتين بالطوب الاحمر وملخبطه ، لا .. مادام بنعمل .. نعمل تخطيط كويس وقلت للمهندسين شن انى اعطيهم المليون متر بتاعتهم انهم يعملوا لكم التخطيط ، فاستمجلوهم واتفضلوا روحوا اختاروا

ما دعانى انى ادعوكم ليه .. تذكروا فى خطبتى للشعب لما طلبت الاستفتاء انا قلت انه سنعيد بناء مصر .. اول حلقة من اعادة البناء هي انتخابات جديدة لمجلس الشعب علشان يختار الشعب ممثليه للمرحلة المقبلة ويواجهوا مسؤولياتها وانه دى اول خطوة فى البناء يتلوها اعادة البناء كاملا .. ده اللى انا طالبكم عشانه علشان نقعد بكل صراحة نقول مشاكلنا ايه .. الحلول الممكنة ايه .. من خلاصة ده كله .. حكومة الحزب بتصل الى الامور محددة علشان اقتحام المشاكل اللى بنواجهها .. سواء كانت هذه المشاكل على المدى القصير او على المدى المتوسط او على المدى الطويل كل اللى سمعته اليوم وحايسمعه معايا الشعب لما بيذاع هذا الكلام بالكامل انا واثق انه حاسم يسعد الناس جميعا لانه عقل مصر بيتكلم باخلاص .. بيتكلم باخلاص من اجل مصر مش من اجل رفع شعارات واكتساب مواقف سياسية لا أبدا .

## المهم نقطة الانطلاق من الوادى الضيق

انا سعيد جدا بهذا ولقاءنا هتمشى ومن مجموع اللقاءات ولقائى بكم النهارده ولقائى باخوتكم العمال ان شاء الله رؤساء النقابات كلهم واتحاد العمال .. باعتقد ان المرحلة القادمة تتطلب انكم تقعدوا كل فى اختصاصه مطلوب منه وكمان نقعد كلنا مع بعض علشان نقول ايه خط السير ،



## مركز الأهرام للتنظيم وتكنولوجيا المعلومات

نبتدى عملية فعلا كويس يعنى جايز يتاخر شوية الى أن يتم التخطيط بس تجروا وراهم علشان نطلع مدن زى اللى بنشوفها فى أمريكا اللى طلعت جديد ما دام هنبنى على جديد مانعملش اية حاجة كويسة والشارع ما بيقاش . ٥ متر ليه ليه نعمل حارات أبدا خططوا على جديد وتبقى احياء فيها كذا ومدارس كذا وباللا على بركة الله . مطلوب فقط نقطة البدء وأولها طبعا اننا نعرف مشاكلنا ايه واللى احنا بنواجهه ايه علشان نحط الحل للكلام ده كله بخطط موجودة .. جزء منها هيبقى عاجل سريع .. جزء منها هيبقى بيكمل لان مش معقول هنحل هذا على سنة أو اثنين ، على خمسة أو عشر سنين يكون كل ده اتحل وهنبقى عملنا معجزة .

علشان يتم البناء أنا بيتيالى .. أن شاء الله أنا هاعمل قرار بانه ، نعبأ جميع النقابات المهنية والعمالية يصبحوا بعدانذابهم مباشرة مستشارين مباشرين لرئيس الجمهورية كسل فى اختصاصه ويبقى هذا المجلس دورى الاجتماعات بيجيب خلاصات فى الدراسات ، يعبر عن آراء الناس اللى بيمثلهم وفى الوقت ذاته عملية البناء بتبقى كلها واضحة للكل وعملية للقرار واضحة للكل لان النقباء بيقوا جميعا مستشارين لرئيس الجمهورية وهو بيجتمع بها دوريا وزى ما قلت فى كل القرارات بيقوا على بينة واذا اقتضى الامر بيجتمعهم مع مجلس الوزراء فى جلسات اللى تحتاج الى انه فيه جهد جماعى .

زى ما قلت لكم بداية جديدة بس عاوزينها بداية قوية ولن تكون كذلك

الحنة اللى تعجبكم وخذوا فيها المليون متر علشان نوصل لكم المياه . أما الرى بالرشى أو بالتنقيط الفدان ألفين متر مكعب .. زى ما قال حمدى الحكيم الفدان عندنا لفاية النهارده ٧ و ٨ و ١٠ و ١١ ألف متر مكعب . طيب ماهو ده المطلوب عندى انه المهندسين يقولولى ايه الحل ، لابد أرجع لالفين متر مكعب فقط للفدان ، ازاي دى هاتعمل ، أهل الخبرة يقعدوا لان دى بتوفر لى فوق المياه اللى أنا بارميها فى البحسر الابيض ومش لاقى استخدامات لها بتوفر لى كمية أزرع بيها واينى مدن وأزرع وأطلع أكمل للشعب بأكل مصر والشرق الاوسط ، العالم ويانا كمان لما نشتغل بالاسلوب التكنولوجى الجديد .

الناحية الصحية اللى اتكلم عنها حمدى .. على عمليات الضمان الصحى وبعدين بارجو أن تضيفوا لها مع اخوانكم اللى معاكم فى هذا الاتحاد طعام الطفل مستقبل مصر ، علشان يكون فيه كل المكونات التى تجعلنا على قدم المساواة مع الكل ، لا نطلع اطفالنا قاصرين مش لاننا قاصرين أو جنس قاصر ، لا .. لان تحت كثيرة من اللى طالبة غذاء فى المخ ما بيوصلهاش فيبقى كده وخلاص بيوقف عند ماهو فيه .

## النقباء المستشارون لرئيس الجمهورية

باعطى الارض لجميع النقابات المهنية والعمالية لان الارض موجودة وتكفى الجميع .. كل الى عاوزه بس ان العملية تتخطط جيدا علشان لما نبتدى



## مركز الأهرام للتنظيم وتكنولوجيا المعلومات

كل شيء فى أيدينا .. تماما أنا  
بنصورها زى ما ابتدت أمريكا تقوم ..  
طيب فاضل آيه .. فاضل جهد المواطن  
وطموحاته وعرقه بنشترك كلنا وبننتق  
وكل واحد بيطلع يتوكل على الله ينطلق  
من أجل إعادة بناء مصر .

أنا شاكر لكم جدا انكم استجبتم  
الى دعوتى وجئتم لى فى رمضان  
وسيكرون رمضان باذن الله اذا مد الله  
فى العمر هندوام فيه بتركيز .. انما  
على مدار السنة زى ما قلت لكم هنفضل  
ماشيين على طول .. وأنا شاكر لكم  
جدا حكاية التعديلات الدستورية ..  
بس أنا اللى حطيت حكاية رئيس  
الجمهورية انه يأخذ مدتين بس ٢ سنة  
٦ و ٦ ما فيش بشر أوتى من القوة  
انه تقعدوه ١٨ سنة اذا كان عنده  
عمر يعنى وهذه دعوة أنا أقولها لكم  
بصراحة .. هذه دعوة منكم علشان  
يربح وما ياديش الجهد المطلوب .

أنا مقدر هذا لكم وكللى عرفان وكللى  
فخر لانى زى ما سمعتونى بأقول بأحمد  
الله اعطانى هذا الشعب واعطيتونى  
ما لا يحلم به انسان .  
أدعو الله أن يمكنى أن أكون دائما  
عند ثقتكم وحبكم وتربطنا الرابطة اللى  
أنا بأتشدد عليها والتي لا رابطة سواها  
المائلة ورب العائلة فى كل ما يعرض  
لنا من أمور وشكرأ .

الا باشترأنا جميعا .. لا نستطيع  
الحكومة وحدها ولا يستطيع رئيس  
الجمهورية وحده لا يستطيع المحافظون  
اللى أصبح عندهم سلطات رئيسي  
الجمهورية فى محلياتهم وحدهم لا يستطيع  
أحد وحده أن يعمل شيئا .. لكن  
بالجهد المشترك لنا كلنا فى وقت واحد  
زى ما ضربت لكم مثل المانيا واللى قال  
عليه حمدى هتحصل المعجزة وفى أقل  
من عشر سنوات باذن الله كل هذه  
المشاكل تنتهى وكلنا نبقى على بينة مما  
يجرى فى هذه الدولة .. وهيه دى  
قبل المجالس والاشكال الدستورية  
والكلام ده .. لا .. الديمقراطية  
تعالوا كلنا فى كل ما يهم مصر نقعد  
جميعا ونحط المشاكل بمنتهى الصراحة  
ونحط الحلول ونتوكل على الله ونعمل  
أرجو باذن الله بعد رمضان وعلى  
مدار السنة زى ما قلت لكم تبقى عندى  
الفرصة انى التقى بكم .. ها التقى  
أولا بمجلس المستشارين دوريا وبعدين  
هالتقى نقابة نقابة لكن أنا باطلب منكم  
جميعا كما طلبت من أخوتكم اللى  
فاتوا واللى هاييجوا .. العمال ..  
ضعوا لى التصور علشان المشاكل  
اللى أنا وضعتها أمامكم .. والمشاكل  
اللى قالها حمدى هى حقيقية وواقعة  
وانتم جميعا عارفينها ومش تايهة عليكم  
أبدا .. ضعوا لى الحلول .. وضعوا  
لى عوقلكم فى هذا الموضوع علشان  
لم يعد لدينا عذر .. الأرض أرضنا ..  
الجو اعطاه لنا ربنا والحمد لله ..  
المياه اعطاها لنا ربنا .. قرار ..  
قرارنا فى أيدينا ومفيش وصى  
على مصر ولا وصى على الشعب .



الرئيس السادات خلال حوارته مع الأطباء والميادلة والى جوار الرئيس  
السيد حسنى مبارك والسيد فكرى مكرم عبيد..